



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

ք. Երևան

25.06.2021թ.

**Ո Ր Ո Շ ՈՒ Մ
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁԻ
թիվ ԱՑ-ԼՕ-2021/142**

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի
Քարտուղարությամբ՝ Ռ. Մկրտչյանի

Պատվիրատու՝ «Երևանի Մխիթար Հերացու անվան պետական բժշկական
համալսարան» հիմնադրամ

Մասնակից՝ «Ամիրեքս գրուպ» ՍՊԸ

Գնման ընթացակարգի ծածկագիրը և առարկան՝

«ԳՀԱՊՁԲ-2021/7-2-ԵՊԲՀ» ծածկագրով գնանշման հարցման ընթացակարգ,
շինանյութի ձեռքբերում

ՀՀ գնումների հետ կապված բողոքներ քննող անձը (այսուհետ նաև՝ Բողոքներ
քննող անձ), ուսումնասիրելով Հայաստանի Հանրապետության ֆինանսների
նախարարության կողմից 27.05.2021թ.-ի թիվ 26/26-1/8549-2021 գրությամբ «Ամիրեքս
գրուպ» ՍՊԸ-ին (այսուհետ նաև՝ Մասնակից) գնումների գործընթացին մասնակցելու
իրավունք չունեցող մասնակիցների ցուցակում ներառելու նպատակով նախաձեռնված
ընթացակարգով ներկայացված հիմքերը,

Պ Ա Ր Զ Ե Ց

1. Գործի նախապատմությունը.

ՀՀ ֆինանսների նախարարությունը, «Երևանի Մխիթար Հերացու անվան պետական բժշկական համալսարան» հիմնադրամի 24.05.2021թ.-ի թիվ 09/815 գրության հիման վրա, 27.05.2021թ.-ին «Ամիրեքս գրուպ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքերը:

Բողոքներ քննող անձին գործը մակագրվել է 27.05.2021թ.-ին:

Բողոքներ քննող անձի 31.05.2021թ.-ին www.gnumner.am կայքում հրապարակված հայտարարությամբ գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը ընդունվել է վարույթ և տրվել է թիվ ՍՅ-ԼՕ-2021/142 համարի ծածկագիրը:

04.06.2021թ.-ին և 25.06.2021թ.-ին նշանակվել և հրավիրվել են նիստեր:

Գործի քննությունն ավարտվել է 04.06.2021թ.-ին և Բողոքներ քննող անձի որոշման հրապարակման օր է նշանակվել 25.06.2021թ.-ին:

2. «Երևանի Մխիթար Հերացու անվան պետական բժշկական համալսարան» հիմնադրամի ներկայացրած փաստերը և դիրքորոշումը.

«Երևանի Մխիթար Հերացու անվան պետական բժշկական համալսարան» հիմնադրամը 24.05.2021թ.-ի թիվ 09/815 գրությամբ դիմել է ՀՀ ֆինանսների նախարարությանը՝ հայտնելով հետևյալը.

«Հայտնում ենք Ձեզ այն մասին, որ «Երևանի Մխիթար Հերացու անվան պետական բժշկական համալսարան» հիմնադրամի /այսուհետ՝ Համալսարան/ կարիքների համար շինանյութի ձեռքբերման նպատակով «ԳՀԱՊՁԲ-2021/7-2- ԵՊԲՀ» ծածկագրով ընթացակարգին հայտ է ներկայացրել նաև «Ամիրեքս գրուպ» ՍՊ ընկերությունը:

Ս.թ. ապրիլի 23-ի գնահատող հանձնաժողովի թիվ 4 որոշմամբ «Ամիրեքս գրուպ» ՍՊ ընկերությունը ճանաչվել է N 24, 26, 27, 33, 49, 50, 85, 86, 87-րդ չափաբաժինների մասով ընտրված մասնակից: «Գնումների մասին» ՀՀ օրենքի 36-րդ հոդվածի 2-րդ կետի համաձայն՝ անգործության ժամկետը լրանալուն հաջորդող օրը՝ մայիսի 4-ին,

ընթացակարգի քարտուղարի կողմից ընտրված մասնակիցն ծանուցվել է ներկայացնելով պայմանագրի կնքելու առաջարկը և պայմանագրի նախագիծը:

«Գնումների մասին» ՀՀ օրենքի 36-րդ հոդվածի 3-րդ կետի համաձայն, ընտրված մասնակիցը պայմանագրի կնքելու մասին ծանուցումը և պայմանագրի նախագիծն ստանալուց հետո 10 աշխատանքային օրվա ընթացքում, պետք է ստորագրի պայմանագիրը և պատվիրատուին ներկայացնի պայմանագրի և որակավորման ապահովումները: 19.05.2021թ. օրենքով սահմանված ժամկետը լրանալուց հետո, մասնակցին ուղարկվել է ևս մեկ էլեկտրոնային ծանուցում պայմանագրի ստորագրման վերջնաժամկետի հիշեցման մասին, սակայն մասնակցի կողմից պայմանագիրը չի ստորագրվել:

Հիմք ընդունելով «Գնումների մասին» ՀՀ օրենքի 36-րդ «Ամիրէքս գրուպ» ՍՊ ընկերության հայտը մերժվում է և մասնակից զրկվում է պայմանագիրն ստորագրելու հրավունքից:»:

Ելնելով վերոգրյալից և հիմք ընդունելով ՀՀ կառավարության 04.05.2017թ.-ի թիվ 526-Ն որոշմամբ հաստատված գնումների գործընթացի կազմակերպման կարգի 45-րդ կետի պահանջները, կից ներկայացվել է «ԳՀԱՊԶԲ-2021/7-2-ԵՊԲՀ» ծածկագրով հայտարարված գնման ընթացակարգի շրջանակներում «Ամիրէքս գրուպ» ՍՊԸ-ի տվյալները՝ համապատասխան հիմքերով:

3. «Ամիրէքս գրուպ» ՍՊԸ-ի ներկայացրած փաստարկները և դիրքորոշումը.

Բողոքներ քննող անձը 31.05.2021թ.-ին գրությամբ դիմել է «Ամիրէքս գրուպ» ՍՊԸ-ին՝ հնարավորություն տալով ՀՀ ֆինանսների նախարարության կողմից 27.05.2021թ.-ի թիվ 26/26-1/8549-2021 գրությամբ նախաձեռնված ընթացակարգի վերաբերյալ ներկայացնել գրավոր կարծիք:

Մասնակիցը, ստանալով կարծիք հայտնելու վերաբերյալ գրությունը, ինչպես նաև ծանուցված լինելով հրավիրված նիստերի տեղի, օրվա և ժամի մասին, չի ներկայացել հրավիրված նիստերին՝ չներկայացնելով նախաձեռնված ընթացակարգի վերաբերյալ գրավոր դիրքորոշում:

4. ՍՑ-LO-2021/142 ընթացակարգի քննության համար էական նշանակություն ունեցող փաստերը.

Սույն գործի քննության համար էական նշանակություն ունեցող փաստերի համաձայն՝

i. «Երևանի Մխիթար Հերացու անվան պետական բժշկական համալսարան» հիմնադրամի (այսուհետ նաև՝ Պատվիրատու) կողմից շինանյութի ձեռքբերման նպատակով 26.03.2021թ.-ին հայտարարվել է «ԳՀԱՊՁԲ-2021/7-2-ԵՊԲՀ» ծածկագրով գնանշման հարցման ընթացակարգ (այսուհետ նաև՝ Ընթացակարգ):

ii. Ընթացակարգին մասնակցելու նպատակով մի շարք չափաբաժնի մասով հայտ է ներկայացրել նաև «Ամիրէքս գրուպ» ՍՊԸ-ն:

iii. Մասնակիցը մասնակցության հայտի թիվ 1 հավելվածով՝ գնանշման հարցման ընթացակարգին մասնակցելու դիմում-հայտարարությամբ, հայտարարել և հավաստել է, որ բավարարում է «ԳՀԱՊՁԲ-2021/7-2-ԵՊԲՀ» ծածկագրով գնման ընթացակարգի հրավերով սահմանված մասնակցության իրավունքի պահանջներին և պարտավորվում է ընտրված մասնակից ճանաչվելու դեպքում, հրավերով սահմանված կարգով և ժամկետում, ներկայացնել որակավորման ապահովում:

iv. Ընթացակարգի գնահատող հանձնաժողովի (այսուհետ նաև՝ Հանձնաժողով) 23.04.2021թ.-ի նիստի թիվ 4 արձանագրության համաձայն՝ 24-րդ, 26-րդ, 27-րդ, 33-րդ, 49-րդ, 50-րդ, 85-րդ, 86-րդ և 87-րդ չափաբաժինների մասով ընտրված /հաղթող/ մասնակից է ճանաչվել «Ամիրէքս գրուպ» ՍՊԸ-ն:

v. 26.04.2021թ.-ին պայմանագիր կնքելու նպատակով գնումների պաշտոնական տեղեկագրում՝ www.gnumner.am կայքում, Հանձնաժողովի կողմից հրապարակվել է պայմանագիր կնքելու որոշման մասին հայտարարություն և «Գնումների մասին» ՀՀ օրենքի 10-րդ հոդվածի համաձայն՝ անգործության ժամկետ է սահմանվել 5 օրացուցային օր:

vi. Պատվիրատուն 04.05.2021թ.-ին, Մասնակցի amirexgroup@gmail.com էլեկտրոնային փոստի հասցեին ներկայացնելով «ԳՀԱՊՁԲ-2021/7-2-ԵՊԲՀ» ծածկագրով պայմանագիր կնքելու առաջարկը և պայմանագրի նախագիծը՝ հայտնել է, որ մասնակցի հետ օրենսդրությամբ սահմանված կարգով կկնքվի պայմանագիր, որակավորման և պայմանագրի կատարման ապահովումներ ներկայացնելու դեպքում:

vii. Պատվիրատուն 19.05.2021թ.-ին Մասնակցի էլ. փոստի հասցեին է ուղարկել պայմանագիր ստորագրելու վերջնաժամկետի մասին ծանուցում և հայտնել է, որ «Ամիրէքս գրուպ» ՍՊԸ-ն հանդիսանում է «ԳՀԱՊՁԲ-2021/7-2-ԵՊԲՀ» ծածկագրով ընթացակարգի ընտրված մասնակից, ուստի պայմանագիր կնքվու մասին ծանուցումը և պայմանագրի

նախագիծն սասանալուց հետո՝ 10 աշխատանքային օրվա ընթացքում իրավասու է ստորագրել պայմանագիրը: Հետևապես կազմակերպությունը պայմանագրի նախագիծն ստանալու օրվանից սկսած համաձայն՝ «Գնումների մասին» ՀՀ օրենքի 36-րդ հոդվածի 3-րդ մասի ունի 10 աշխատանքային օր պայմանագիրը ստորագրելու համար 04.05.2021-19.05.2021թ.: Եթե մինչև նշված ժամկետի ավարտը չի ստորագվում պայմանագիրը և պատվիրատուին չի ներկայացվում որակավորման և պայմանագրի ապահովումները, ապա մասնակիցը գրկվում է պայմանագիրը ստորագրելու իրավունքից:

viii. Հանձնաժողովի 20.05.2021թ.-ի թիվ 5 արձանագրությամբ արձանագրվել է, որ համաձայն ս.թ. ապրիլի 23-ի գնահատող հանձնաժողովի թիվ 4 որոշման «Ամիրեքս գրուպ» ՍՊ ընկերությունը ճանաչվել է N 24, 26, 27, 33, 49, 50, 85, 86, 87-րդ չափաբաժինների մասով ընտրված մասնակից: «Գնումների մասին» ՀՀ օրենքի 36-րդ հոդվածի 2-րդ կետի համաձայն՝ անգործության ժամկետը լրանալուն հաջորդող օրը, ընթացակարգի քարտուղարի կողմից ընտրված մասնակիցն ծանուցվել է ներկայացնելով պայմանագիր կնքելու առաջարկը և պայմանագրի նախագիծը: «Գնումների մասին» ՀՀ օրենքի 36-րդ հոդվածի 3-րդ կետի համաձայն, ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո 10 աշխատանքային օրվա ընթացքում, պետք է ստորագրի պայմանագիրը և պատվիրատուին ներկայացնի պայմանագրի և որակավորման ապահովումները: 19.05.2021թ.-ին օրենքով սահմանված ժամկետը լրանալուց հետո, մասնակցին ուղարկվել է ես մեկ էլեկարոնային ծանուցում պայմանագրի ստորագրման վերջնաժամկետի հիշեցման մասին, սակայն մասնակցի կողմից պայմանագիրը չի ստորագրվել, ուստի հիմք ընդունելով «Գնումների մասին» ՀՀ օրենքի 36-րդ հոդվածի 3-րդ կետը, «Ամիրեքս գրուպ» ՍՊ ընկերության հայտը մերժվել է և վերջինս որպես ընտրված մասնակից գրկվել է պայմանագիրն ստորագրելու իրավունքից:

5. Բողոքներ քննող անձի հիմնավորումները և եզրահանգումը.

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակցության, որ ՀՀ ֆինանսների նախարարության կողմից 27.05.2021թ.-ի թիվ 26/26-1/8549-2021 գրությամբ «Ամիրեքս գրուպ» ՍՊԸ-ին գնումների գործընթացին մասնակցելու իրավունք չունեցող մասնակիցների

ցուցակում ներառելու նպատակով նախաձեռնված ընթացակարգն ենթակա է բավարարման, հետևյալ պատճառաբանությամբ.

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» և «բ» ենթակետերի համաձայն՝ ... մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, և որպես ընտրված մասնակից հրաժարվել է պայմանագրի կնքելուց:

Օրենքի 35-րդ հոդվածի 1-ին մասի համաձայն՝ պայմանագրի ապահովում ներկայացնելու պահանջի հիման վրա այն ստանալու օրվանից 10 աշխատանքային օրվա ընթացքում ընտրված մասնակիցը պարտավոր է ներկայացնել պայմանագրի ապահովում: Ընտրված մասնակցի հետ պայմանագրի կնքվում է, եթե վերջինս ներկայացնում է պայմանագրի ապահովում:

Օրենքի 36-րդ հոդվածի 3-րդ մասի համաձայն՝ եթե ընտրված մասնակիցը պայմանագրի կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին ներկայացնում պայմանագրի ապահովումը, ապա նա զրկվում է պայմանագիրն ստորագրելու իրավունքից:

ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 12-րդ և 13-րդ ենթակետերի համաձայն՝ ընտրված մասնակցին պայմանագրի կնքելու առաջարկը և կնքվելիք պայմանագրի նախագիծը հանձնաժողովի քարտուղարը տրամադրում է էլեկտրոնային եղանակով: Ապրանքների գնման դեպքում պայմանագրի նախագծում ներառվում է ընտրված մասնակցի կողմից հայտով ներկայացված ապրանքի ամբողջական նկարագիրը: Ընտրված մասնակցի կողմից հաստատված պայմանագրի նախագիծը պատվիրատուին ներկայացվում է գրավոր, և դա ներկայացնելու գրությունը հաշվառվում է պատվիրատուի փաստաթղթաշրջանառության համակարգում: Պատվիրատուի ղեկավարի կողմից պայմանագրի նախագիծը հաստատվում է այդ իրավասության առաջացմանը հաջորդող երկու աշխատանքային օրվա ընթացքում:

Նույն կետի 19-րդ ենթակետի համաձայն՝ հրավերով նախատեսվում է նաև, որ եթե մասնակցի՝ հրավերով նախատեսված գնումներին մասնակցելու իրավունք ունենալու մասին

հավաստումը որակվում է որպես իրականությանը չհամապատասխանող, կամ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման ապահովումը, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում:

Կարգի 45-րդ կետի համաձայն՝ Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պատվիրատուն տվյալ մասնակցի տվյալները՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում նախաձեռնում է տվյալ մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

Կարգի 50-րդ կետի համաձայն՝ ընտրված մասնակցի հետ պայմանագիրը կնքվում է օրենքի 10-րդ և 36-րդ հոդվածներով նախատեսված կարգով, եթե ներկայացվել է նաև որակավորման ապահովումը հիմնավորող փաստաթուղթը: Ընդ որում, ապրանքների գնման դեպքում ապրանքի ամբողջական նկարագիրը պայմանագրում ներառվում է՝ համաձայն ընտրված մասնակցի կողմից ներկայացված և գնահատող հանձնաժողովի կողմից բավարար գնահատված առաջարկի:

Վերոնշյալ դրույթների համակարգված վերլուծության արդյունքում, Բողոքներ քննող անձը փաստում է, որ ընտրված մասնակիցը, հանձնաժողովի քարտուղարի կողմից էլեկտրոնային եղանակով ստանալով պայմանագիր կնքելու մասին ծանուցումը և պայմանագրի նախագիծը, պարտավոր է 10 աշխատանքային օրվա ընթացքում պատվիրատուին ներկայացնել իր կողմից հաստատված պայմանագրի նախագիծն, որակավորման և պայմանագրի կատարման ապահովումը:

Ընդ որում, եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին չի ներկայացնում ներկայացված գնային առաջարկի չափով որակավորման ապահովում, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում, ինչպես նաև չներկայացնելով պայմանագրի ապահովում, վերջինս զրկվում է պայմանագիրը ստորագրելու իրավունքից:

Նման դեպքում առաջանում է «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» և «բ» ենթակետերի դրույթների կիրառման անխուսափելիությունը, քանի որ Մասնակիցն իր գործողություններով կամ անգործությամբ, խախտելով գնման գործընթացի շրջանակում ստանձնած պարտավորությունը, հանգեցնում է Պատվիրատուի կողմից գնման գործընթացին տվյալ մասնակցի հետագա մասնակցության դադարեցմանը, ինչպես նաև վերջինիս գործողությունները (անգործությունը) գնահատվում են որպես պայմանագիր կնքելուց ընտրված մասնակցի կողմից հրաժարում:

Վերը շարադրվածից ելնելով՝ մասնակիցը պետք է ընդգրկվի գնումների գործընթացին մասնակցելու իրավունք չունեցող մասնակիցների ցուցակում՝ երկու տարի ժամկետով, քանի որ խախտել է գնման գործընթացի շրջանակում ստանձնած պարտավորությունը՝ հրավերով սահմանված կարգով և ժամկետում չներկայացնելով որակավորման ապահովում, որն էլ հանգեցրել է գնման գործընթացին տվյալ մասնակցի հետագա մասնակցության դադարեցմանը, ինչպես նաև պատվիրատուին չներկայացնելով պայմանագրի օրինակը և/կամ ապահովումը զրկվել է պայմանագիր կնքելու իրավունքից:

Սույն գործի փաստերի հիման վրա՝ Բողոքներ քննող անձն արձանագրում է, որ «Երևանի Մխիթար Հերացու անվան պետական բժշկական համալսարան» հիմնադրամի կողմից շինանյութի ձեռքբերման նպատակով 26.03.2021թ.-ին հայտարարված «ԳՀԱՊԶԲ-2021/7-2-ԵՊԲՀ» ծածկագրով գնանշման հարցման ընթացակարգի գնահատող հանձնաժողովի 23.04.2021թ.-ի նիստի թիվ 4 արձանագրությամբ արձանագրվել է, որ 24-րդ, 26-րդ, 27-րդ, 33-րդ, 49-րդ, 50-րդ, 85-րդ, 86-րդ և 87-րդ չափաբաժինների մասով ընտրված /հաղթող/ մասնակից է ճանաչվել «Ամիրէքս գրուպ» ՍՊԸ-ն, ինչով պայմանավորված 26.04.2021թ.-ին պայմանագիր կնքելու նպատակով գնումների պաշտոնական տեղեկագրում՝ www.gnumner.am կայքում, Հանձնաժողովի կողմից հրապարակվել է պայմանագիր կնքելու որոշման մասին հայտարարություն և «Գնումների մասին» ՀՀ օրենքի 10-րդ հոդվածի համաձայն՝ անգործության ժամկետ է սահմանվել 5 օրացուցային օր, որից հետո Պատվիրատուն 04.05.2021թ.-ին, Մասնակցի amirexgroup@gmail.com էլեկտրոնային փոստի հասցեին ներկայացնելով «ԳՀԱՊԶԲ-2021/7-2-ԵՊԲՀ» ծածկագրով պայմանագիր կնքելու առաջարկը և պայմանագրի նախագիծը՝ հայտնել է, որ մասնակցի հետ օրենսդրությամբ սահմանված կարգով կկնքվի պայմանագիր, որակավորման և պայմանագրի կատարման ապահովումներ ներկայացնելու դեպքում: Բացի այդ՝ Պատվիրատուն 19.05.2021թ.-ին Մասնակցի էլ. փոստի հասցեին է ուղարկել պայմանագիր ստորագրելու վերջնաժամկետի մասին ծանուցում և հայտնել է, որ

«Ամիրէքս գրուպ» ՍՊԸ-ն հանդիսանում է «ԳՀԱՊԶԲ-2021/7-2-ԵՊԲՀ» ծածկագրով ընթացակարգի ընտրված մասնակից, ուստի պայմանագիր կնքվու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում իրավասու է ստորագրել պայմանագիրը: Հետևապես կազմակերպությունը պայմանագրի նախագիծն ստանալու օրվանից սկսած համաձայն՝ «Գնումների մասին» ՀՀ օրենքի 36-րդ հոդվածի 3-րդ մասի ունի 10 աշխատանքային օր պայմանագիրը ստորագրելու համար 04.05.2021-19.05.2021թ.: Եթե մինչև նշված ժամկետի ավարտը չի ստորագրվում պայմանագիրը և պատվիրատուին չի ներկայացվում որակավորման և պայմանագրի ապահովումները, ապա մասնակիցը գրկվում է պայմանագիրը ստորագրելու իրավունքից: Սակայն Հանձնաժողովի 20.05.2021թ.-ի թիվ 5 արձանագրությամբ արձանագրվել է, որ համաձայն ս.թ. ապրիլի 23-ի գնահատող հանձնաժողովի թիվ 4 որոշման «Ամիրէքս գրուպ» ՍՊ ընկերությունը ճանաչվել է N 24, 26, 27, 33, 49, 50, 85, 86, 87-րդ չափաբաժինների մասով ընտրված մասնակից: «Գնումների մասին» ՀՀ օրենքի 36-րդ հոդվածի 2-րդ կետի համաձայն՝ անգործության ժամկետը լրանալուն հաջորդող օրը, ընթացակարգի քարտուղարի կողմից ընտրված մասնակիցն ծանուցվել է ներկայացնելով պայմանագիր կնքելու առաջարկը և պայմանագրի նախագիծը: «Գնումների մասին» ՀՀ օրենքի 36-րդ հոդվածի 3-րդ կետի համաձայն, ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո 10 աշխատանքային օրվա ընթացքում, պետք է ստորագրի պայմանագիրը և պատվիրատուին ներկայացնի պայմանագրի և որակավորման ապահովումները: 19.05.2021թ.-ին օրենքով սահմանված ժամկետը լրանալուց հետո, մասնակցին ուղարկվել է ես մեկ էլեկարոնային ծանուցում պայմանագրի ստորագրման վերջնաժամկետի հիշեցման մասին, սակայն մասնակցի կողմից պայմանագիրը չի ստորագրվել, ուստի հիմք ընդունելով «Գնումների մասին» ՀՀ օրենքի 36-րդ հոդվածի 3-րդ կետը, «Ամիրէքս գրուպ» ՍՊ ընկերության հայտը մերժվել է և վերջինս որպես ընտրված մասնակից գրկվել է պայմանագիրն ստորագրելու իրավունքից:

Օրենքի 6-րդ հոդվածի 1-ին մասի 6-րդ ենթակետի համաձայն՝ գնումների ընթացակարգերին մասնակցելու իրավունք չունեն այն անձինք՝ որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի

միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Նշված իրավանորմերի վերլուծության հիման վրա, Բողոքներ քննող անձն եզրահանգում է, որ օրենսդիրը մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու համար նախատեսել է սպառիչ պայմաններ, որոնք են պայմանագրով նախատեսված կամ գնման գործընթացի շրջանակում ստանձնած պարտավորությունների խախտումը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որպես ընտրված մասնակից պայմանագիր կնքելուց հրաժարվելը և հայտերը բացելուց հետո գնման գործընթացին հետագա մասնակցությունից հրաժարվել: Այսինքն՝ միայն սույն դեպքերում է հնարավոր մասնակցին ներառել գնումների գործընթացին մասնակցելու իրավունք չունեցող մասնակիցների ցուցակում:

Ընդ որում, Բողոքներ քննող անձը հարկ է համարում փաստել, որ «Ամիրէքս գրուպ» ՍՊԸ-ն մասնակցության հայտի թիվ 1 հավելվածով՝ գնանշման հարցման ընթացակարգին մասնակցելու դիմում-հայտարարությամբ, հայտարարել և հավաստել է, որ բավարարում է «ԳՀԱՊՁԲ-2021/7-2-ԵՊԲՀ» ծածկագրով գնման ընթացակարգի հրավերով սահմանված մասնակցության իրավունքի պահանջներին և պարտավորվում է ընտրված մասնակից ճանաչվելու դեպքում, հրավերով սահմանված կարգով և ժամկետում, ներկայացնել գնային առաջարկի չափով որակավորման ապահովում:

Վերոնշյալներով պայմանավորված՝ Բողոքներ քննող անձը հանգում է այն եզրակացության, որ «Ամիրէքս գրուպ» ՍՊԸ-ն, որպես ընտրված /հաղթող/ մասնակից, հրավերով սահմանված կարգով և ժամկետներում չներկայացնելով պայմանագիրը, որակավորման և պայմանագրի կատարման ապահովումները, խախտել է գնման գործընթացի շրջանակում ստանձնած պարտավորություն, ինչպես նաև հրաժարվել է պայմանագիր կնքելուց:

Ուստի, հիմք ընդունելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» և «բ» ենթակետերի դրույթները, Մասնակցին պետք է ընդգրկել գնումների

գործընթացին մասնակցելու իրավունք չունեցող մասնակիցների ցուցակում՝ 2 (երկու) տարի ժամկետով:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը.

Ո Ր Ո Շ Ե Ց

1. ՀՀ ֆինանսների նախարարության կողմից 27.05.2021թ.-ի թիվ 26/26-1/8549-2021 գրությամբ «Ամիրեքս գրուպ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված թիվ ՍՑ-ԼՕ-2021/142 ծածկագրով ընթացակարգը բավարարել:

2. «Ամիրեքս գրուպ» ՍՊԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում 2 (երկու) տարի ժամկետով:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆԶ՝**



ԼԵՎՈՆ ՕՇԱՆՅԱՆ